

Ali mbeti nœ Yowane Tshatshu o'o

Azu sœ kœgbe adœke ayi kœsu ali mbetinœ asœ kœdœ Yowane á tshe kœdœ anga ayi avwa nœ Yisu ataa i'iri ye gugu pa nœ nene. Endje gbe ndje lima adœke œshe dá su ndje anga Ɔtsho O'o á sœ kœpandœ soro nœ Yisu pa ashœ. Tshe su mbeti nœ ye fœ azu kœ á endje sœ dœ kœyindœrœ ga ndœ Gbolo nœ Ndjaba.

Aayi kœyisœrœ dœ wala sœ lima kœpa adœke Yisu Kristu á tshe na ga pa ashœ bata uzu doédœ Gbolo nœ Ndjaba nene. Endje kpa sœ lima kœpa adœke, uzu li kœmbœrœ œrœ kœ á tshe yindœ nœ, kashe Ndjaba œ wu tœ ekpenœ nene. Ádánœ á tshe sú mbetinœ tœ kœmindœ o'o fœ endje tœ upu nœ Yisu. Tshe pa fœ endje adœke uzu kœ á tshe sœ dœ kœyindœrœ ga ndœ Yisu, tshe gbœ soro á ka nene. Tshe pa ndje adœke, ayindœ Yisu ngbœtœ endje bale dœ Ndjaba œdœ Gbolo nœ ye dœ Yisu Kristu, endje yindœ Ndjaba, œ yi ndje ndœtœ endje ugurutœ endje á kœgbœ soro á ka nene.

Mbetinœ kurutshelœtœ ye atake:

- Ádá mbetinœ (1.1-4)
- A na ana lœ ɔlœ (1.5-2.17)
- Ayingba Kristu (2.18-29)
- Œrœ á sœ kœma adja agbolo nœ Ndjaba (3.1-24)
- Wala œdœ adja o'o (4.1-6)
- Kœyindœsho (4.7-21)
- Gbœgbœ kœropa œrœ tshapashœ (5.1-21)

O'o næ soro

¹ A sœ kœsu o'o á wu Uzu á tshe sœ lima katshatsha utshu ali kœmboercœ œrcœ para kəkə. A dji lima she yé a wu ndje lima she dœ adja ala azœ, a wu lima she dœ ɔtshəncœ yé a goro lima ndje she dœ kane azœ. Æshe kœdœ O'onœ á za adja soro.

² Soronœ asœmœ ma lima tœ ye ga ndœ azu, a wu lima dœ ala azœ, a sœ kœpandœ næ yé á sœ kœmindœ næ tœ upu næ ye. Uzuncœ á tshe za soro neke á ka nene sœ lima awa bale dœ Aba yekane á na kœmatœ ye fœ azœ.

³ Æneke á a wu lima yé a dji, a sœ kœyi ndje sœ næ fœ 'e dœ ádánœ adœke 'e ngbɔtœ 'e dœ 'a á 'a ngbɔ ndje tœ 'a bale dœ Aba œdœ pe Gbolo næ ye dœ Yisu Kristu.

⁴ Yé 'a sœ kœsu œneke fœ 'e mbœrcœ adœke adja lœsu azœ su dœ yanga.

Ndjaba sœ ɓata ɔlɔ

⁵ O'o á a dji ɓa ndœ Yisu Kristu yé a sœ kœpandœ næ fœ 'e dœke: Ndjaba sœ ɓata ɔlɔ, ubu osho gugu ɓa ndœ ye bale nene.

⁶ Ædœ a kœpa adœke a ngbɔtœ azœ bale dœ she, kashe a kpa kœsœ kœna lœ ubu osho, dá azœ kœdœ ayi wala, a sœsœ kœmbœrcœtœ azœ lindœ adja O'o nene.

⁷ Kashe œdœ a kœsœ kœna tœ ɔlɔ ɓata á Ndjaba dœ tœ ye sœ ɓata ɔlɔ, dá azœ kɔ a ngbɔtœ azœ bale, yé indji Gbolo næ ye dœ Yisu œ djutɔ azœ lœ ekperœ kɔ.

⁸ Ædœ a kœpa adœke a mbœmboercœ ekperœ nene, a sœ kœfaratœ azœ dœ tœ azœ yé adja o'o gugu lœ azœ nene.

⁹ Kashe œdœ a kœsœ kœpandœ ekperœ nœ azœ ngbi ga ushu, Ndjaba á tshe sœ ndjii, tshe za o'o ama ye ga tœ akwa. Tshe djerœndœ ekperœ nœ azœ yé tshe djutœ azœ lœ kœmbœerœ œerœ nœ azœ kœ á sœsœ ndjii nene.

¹⁰ Œdœ a kœpa adœke a mbœmbœerœ ekperœ nene, dá a fa Ndjaba tœ ayi wala, yé o'o ama ye sœsœ lœ azœ nene.

2

Kristu ayi kœnga pa azœ

¹ Agbolo nœ mœ, mœ sœ kœsu œeneke fœ 'e adœke 'e mbœmbœerœ ekperœ nene. Kashe œdœ anga uzu bale kœmbœerœ ekperœ, a sœ dœ ayi kœnga pa azœ bale á tshe sœ indiri Aba: Œshe kœdœ Yisu Kristu, á tshe sœ ndjii.

² Gbambanœ nene, Yisu Kristu za lima tœ ye fœ kuzu mbœerœ kœgi kudá tshangba ekperœ nœ azœ. Œ sœsœ kolœ mbœerœ ekperœ nœ azœ bale nene, kashe ndje mbœerœ œenœ azu pa œshœ kœ.

³ Œdœ a kœmbœerœ tœ azœ lindœ awa akwa nœ Ndjaba dá a sœ dœ kœyindœerœ adœke a wusœ ye tako.

⁴ Uzu á tshe kœpa adœke: «Mœ wusœ ye», kashe tshe kœsœsœ kœmbœerœtœ ye lindœ awa akwa nœ ye nene, œshe kœdœ ayi wala yé adja o'o gugu lœ ye nene.

⁵ Kashe tsheneke á tshe gbœndœ o'o ama Ndjaba, dá sœ kœma adœke tshe yi adja ndœ ye dœ œtshœnœ. Matamœ dá a wusœ nœ adœke a ngbœtœ azœ dœ she bale.

⁶ Tsheneke á tshe du okoro ye adœke œene sœ lœ ngbɔtœ dœ Ndjaba, œ li adœke tshe mbœrœtœ ye ɓata á Yisu mbœrœ lima.

Tafo awa akwa

⁷ 'E dœ aaya mœ á mœ yindœ 'e, œ dœdœ tafo awa akwa dá mœ su fœ 'e asœke nene. Œtœnœ kœdœ ongboro awa akwa á 'e wu ɓa lima sœ nœ. Gbambancœ nene, tœncœ kœdœ o'onœ á 'e dji lima katshatsha utshuncœ.

⁸ Ataa atamœ gbaa, œtœnœ kœdœ tafo awa akwa dá mœ su fœ 'e. Œ sœ kœmatœ ye lœ mara kœmbœrœtœ Yisu œdœ ndje 'e adœke œ dœ adjapu, mbœrœ á ubu osho tetœ kœyiwa tœncœ yé adja ɔɔ tetœ kœtœ tœncœ.

⁹ Uzu á tshe kœsœ kœje ama ye adœke œene sœ lœ ɔɔ á kpa sœ kœyiangba ayanœ, tshe sœpe lœ ubu osho.

¹⁰ Uzu á tshe kœyindœ ayanœ, tshe sœ lœ ɔɔ, yé mbœrœ tœncœ ataa nene, tshe kpa gugu dœ anga gbetshelœ teasho adœke œene gi úkú ga tœ awa uzu nene.

¹¹ Kashe tsheneke má á tshe yiangba ayanœ, tshe sœ lœ ubu osho. Tshe sœ kœna lœ ubu osho yé œ wuwusœ osho neke á tshe sœ kœna ga tœncœ nene, mbœrœ ubu oshonœ bu ala ye ga tœ nœ ye.

¹² Agbolo nœ mœ, mœ sœ kœsu œeneke fœ 'e gbambancœ nene, Ndjaba djercœndœ ekperœ nœ 'e mbœrœ i'iri ye dœ Yisu Kristu.

¹³ Alaba, mœ sœ kœsu œeneke fœ 'e mbœrœ 'e wusœ tsheneke á tshe sœ lima utshu ali kœmbœrœ œrœ kɔ. Amodo, mœ sœ kœsu œeneke fœ 'e gbambancœ nene, 'e ropa ekpe uzuncœ.

¹⁴ Agbolo nœ mœ, mœ sœ kœsu œeneke fœ 'e, gbambancœ nene 'e wusœ Aba. Alaba, mœ sœ

koesu œeneke fœ 'e, gbambanœ nene, 'e wusœ tsheneke á tshe sœ lima utshu ali kœembœerœ œerœ kɔ. Amodo, mœ sœ koesu œeneke fœ 'e, gbambanœ nene, 'e sœ dœ gbɔgbɔ, yé o'o ama Ndjaba sœ lœsu 'e yé 'e ropa ekpe uzunœ.

¹⁵ Adja 'e yiyindœ tshapashɔ œdœ pe œerœ tshapa nœ kɔ nene. Œdœ uzu kœyindœ tshapashɔ, dá tshe yiyindœ Aba nene.

¹⁶ Œrœ tshapashɔnœ dœke: Kœyindœ kœembœerœ œeneke á ga tœ gbetshelœ nœ zœ dœ tœ zœ, too kœyindœ kœsœ dœ œeneke á a sœ kœwu tœnœ pa ɔshɔ, kœsœ dœ egerœ kumu ga pa œerœ tshapashɔ. Œtœnœ para kɔkɔ, œ toto ɔa ndœ Aba azœ nene, kashe œ to ɔa pa ɔshɔnœ asœke.

¹⁷ Tshapashɔ œdœ pe œerœ kɔ pa ɔshɔ á azu œ gbe dœ tœnœ œ ka. Kashe tsheneke á tshe mbœerœ œerœ lindœ gbetshelœ nœ Ndjaba, tshe sœ dœ soro á ka nene.

Ayingba Kristu

¹⁸ Agbolo nœ mœ, a wuta ga tœ ndɔngɔɔ osho. Endje mindœ nœ fœ 'e adœke anga yingba Kristu bale sœ kœna tœnœ, kashe a sœ kœwu ngɔngɔ asœ adœke ayingba Kristu sœ andjoro zœ. Mbœerœ tœnœ ataa, a wusœ nœ adœke a wuta ga tœ ndɔngɔɔ osho ye.

¹⁹ Azu asœmœ wuta lima lœ ugurutœ azœ, kashe endje dœdœ lima adja azu nœ azœ nene. Gbambanœ nene, œdœ endje kœdœ má lima azu nœ azœ, endje sœ má pe lima tœ œsœnœ bale dœ azœ. Kashe endje wuta lima ugurutœ azœ yé œ sœ kœma adœke endje dœdœ azu nœ azœ nene.

²⁰ Tœ e'e nœ 'e, Yisu to ɔtshɔ ɪshiri fœ 'e mbœerœ adœke á 'e kœwusœ adja o'o.

²¹ Ædœ mœe kœsu o'onœ asœ foe 'e, œ yiyindœ kœpa adœke mbœrœ á 'e wuwusœ adja o'o nene, kashe œ sœ ataa mbœrœ á 'e kœwusœ nœ. 'E wu ndje sœ nœ adœke adja o'o gugu dœ wala bale nene.

²² Atamœ, ayi wala kœdœ dœ? Æshe kœdœ uzu á tshe sœ kœmindœ nœ adœke Yisu doédœ Kristu nene. Æshe asœmœ kœdœ yingba Kristu, tshe vwaratœ ye tœ Aba œdœ pe Gbolo.

²³ Gbambanœ nene, uzu kœ á tshe vwaratœ ye tœ Gbolo, tshe sœsœ awa bale dœ Aba nene. Uzu á tshe pa ngbi adœke Yisu kœdœ Gbolo nœ Ndjaba, sœ awa bale dœ Aba.

²⁴ Mbœrœ tœnœ ataa, 'e gbœndœ o'onœ á 'e dji katshatsha utshunœ asœmœ ga lœsu 'e dœ otshœnœ. Ædœ 'e kœgbœndœ o'o á 'e dji katshatsha ba lima utshunœ asœmœ ga tœ lœsu 'e dœ otshœnœ, dá 'e ndje, 'e sœ bale dœ Gbolo œdœ pe Aba.

²⁵ Yé œerœnœ á Kristu pandœ nœ dœ tœ ye adœke œne za foe azœ asœmœ kœdœ soro á ka nene.

²⁶ Mœ su o'onœ asœ foe 'e tœ upu nœ endje má endje sœ kœpara awa kœfara 'e.

²⁷ Tœ 'e nœ 'e, Otshœ Ishiri á Kristu to lima foe 'e soepe lœ 'e zœ, 'e kpa gugu lœ o'o kœeysœ œrœ nœ anga angbi azu nene. Gbambanœ nene, Otshœ Ishiri sœ kœeysœ œrœ kœ foe 'e: Tshe sœ kœeysœ adja o'o kashe œ doédœ wala nene. Mbœrœ tœnœ ataa, 'e mbœrœ œneke á tshe yisœ nœ foe 'e: 'e ngbœtœ 'e bale dœ Kristu.

²⁸ Mbœrœ tœnœ ataa agbolo nœ mœ, 'e sœ dœ lœsu bale dœ Kristu, mbœrœ lœkœ á tshe kpa kœkwa bala tœ ye, á lœsu azœ kœsœ ziti yé a kœgbœgbœ tshula nene lœkœ á tshe kpa kœkwatœ ye.

29 Bata á 'e wusœ nœ adœke Kristu sœ ndjii asœmœ, 'e wu ndje sœ nœ adœke uzu á tshe mbœrœ œeneke asœ ndjii, œshe kœdœ gbolo nœ Ndjaba.

3

Agbolo nœ Ndjaba

1 'E wu mara á Aba yindœ azœ! Tshe yindœ azœ adœke tshe e azœ agbolo nœ ye. Yé a doé adja agbolo nœ Ndjaba. Wu ádánœ á azu tshapashœ lili tœ kœwusœ azœ nene doêke: endje wuwusœ Ndjaba nene.

2 'E doé aaya mœ á mœ yindœ 'e, ngœngœ asœke azœ kœdœ agbolo nœ Ndjaba, kashe endje mama damba mara á 'a sœ bala doé tœnœ ngbi fœ azœ nene. Atamœ gbœa, a wusœ nœ adœke lœkœ á Kristu kœkwa bala tœ ye, a sœ bata she mbœrœ a wu she kolœ bata á tshe sœ.

3 Uzu kœ á tshe kœsœ doé gbetshelœ ga ndœ ye ataa, tshe mbœrœ kœ adœke ekperœ sœsœ lœ œne nene bata á ekperœ gugu ndje lœ Kristu nene.

4 Uzu kœ á tshe sœpe kœmbœrœ ekperœ, tshe vwaratœ ye tœ kœza awa akwa nœ Ndjaba ga tœ akwa. Gbambœnœ nene, mbœrœ ekperœ kœdœ kœtshapu kœmbœrœ œrœ lindœ awa akwa.

5 Kashe 'e wusœ nœ adœke Yisu Kristu na mbœrœ kœvwara azœ lœ ekperœ, yé tshe mbœmbœrœ ekperœ teasho nene.

6 Mbœrœ tœnœ ataa, uzu á tshe ngbœtœ ye bale doé she, tshe mbœrœ ekperœ nene. Yé tsheneke á tshe kœsœ kœmbœrœ ekperœ, tshe wuwu she too œ wusœ ye bale nene.

⁷ Agbolo nœ mœ, uzu bale fafara 'e nene! Uzu á tshe sœ kœmbœrœ œeneke á sœ ndjii, tshe sœ ndjii ɓata Yisu Kristu sœ ndjii.

⁸ Tsheneke á tshe mbœrœ ekperœ, œshe kœdœ uzu nœ djaboro, mbœrœ djaboro kœdœ ayi kœmbœrœ ekperœ petœ ali kœmbœrœ œrœ kœ. Gbolo nœ Ndjaba na mbœrœ kœendi tshelœ akwa nœ djaboro.

⁹ Uzu kœ á tshe te gbolo nœ Ndjaba, tshe kpa mbœrœ ekperœ nene, mbœrœ gbœgbœ nœ soro nœ Ndjaba sœ lœ ye. Yé ɓata á tshe kœdœ gbolo nœ Ndjaba, tshe kpa mbœrœ ekperœ nene.

¹⁰ Œrœ á kuru tshagurutœ agbolo nœ Ndjaba dœ endje nœ djaboro dœke: uzu kœ á tshe kœsœsœ kœmbœrœ œeneke á sœ ndjii nene, tshe dœdœ gbolo nœ Ndjaba nene; yé tsheneke á tshe yiangba ayanoœ, dœdœ ndje gbolo nœ Ndjaba nene.

A yindœtœ azœ dœ anga azœ

¹¹ O'o má 'e dji lima katshatsha utshunoœ dœke: A yindœtœ azœ dœ anga azœ.

¹² A sœsœ ɓata Kayina á tshe dœ uzu nœ ekpe uzu yé á wo ayanoœ nene. Mbœrœ gade á tshe wo lima she a? Mbœrœ akwa tshelœ ye dœ kayina gaga lima nene, kashe œnoœ ayanoœ dá sœ lima ndjii.

¹³ Alaya, œdœ azu tshapashœ kœyiangba 'e, 'e kikitœ nœ nene.

¹⁴ A wusœ nœ adœke a wuta lœ kuzu ndœ kœgbœ soro, mbœrœ á a sœ kœyindœ aaya azœ. Tsheneke á tshe kœsœsœ dœ kœyindœsho nene, tshe sœpe lœ kuzu.

15 Uzu á tshe kœyiangba ayanœ, œshe kœdœ ayengɔ kowo. Bata á 'e wusœ nœ, anga ayengɔ kowo bale á tshe gbɔ soro nœ wa dœ wa œ gugu nene.

16 Yisu zatœ ye fœ kuzu lœ kumu azœ. Asœke má mara kœyindœsho fœ azœ. A za ndje tœ azœ fœ kuzu mbœrœ aaya azœ.

17 Ædœ anga uzu bale kœsœ dœ œrœ tshapashɔ asœ, yé á wu ayanœ á tshe sœ dœ oyo kashe á tshapu kœto fœ she, dá tshe sœ dœ kœyindœsho nœ Ndjaba zœ dœ mœ a?

18 Agbolo nœ mœ, 'e yiye kolœ ndœsho dœ o'o too dœ ɔtshɔ o'o neke á wuta lœ ama 'e nene, kashe 'e ma ndje adja kœyindœshonœ lœ awa nœ kœmbœrœ œrœ.

19 Dœ mara atake, a wusœ nœ adœke azœ kœdœ azu á a sœ kœna lœ awa adja o'o, tœnœ ata dá lœsu azœ œ sœ gee ɓa utshu Ndjaba.

20 Gbambanœ nene, œdœ lœsu azœ kœsœ kœpa fœ azœ adœke a mbœrœ ekperœ, Ndjaba sœ tœ egerœnœ kœropa lœsu azœ yé tshe wusœ œrœ kɔ.

21 'E dœ aaya mœ á mœ yindœ 'e, œdœ lœsu azœ kœpa adœke a mbœmbœrœ ekperœ nene, asœmœ dá a za avwala fœ Ndjaba dœ lœsu azœ ziti.

22 Æneke kɔ á a yœndœ nœ, a gbɔ ɓa ndœ ye ye mbœrœ a sœ kœmbœrœtœ azœ liaka awa akwa nœ ye, yé œ sœ kœmbœrœ œneke á ga tœ ala ye.

23 Æneke á Ndjaba pandœ nœ fœ azœ adœke a mbœrœ dœke: a sœ dœ kœyindœrœ ga ndœ Gbolo nœ œne dœ Yisu Kristu, yé œ yindœtœ azœ dœ anga azœ ɓata á Kristu pa lima tœnœ fœ azœ adœke a mbœrœ.

24 Uzu á tshe kœmbœrœtœ ye lindœ awa akwa

nœ Ndjaba, tshe ngbɔtœ ye dœ Ndjaba bale yé Ndjaba sœ ndje dœ she awa bale. A wusœ nœ adœke Ndjaba sœ dœ azœ awa bale lœ awa nœ Ɔtshɔ Ishiri á tshe za ga lœ azœ.

4

Ishiri nœ Ndjaba œdœ ishiri nœ yingba Kristu

¹ 'E doé aaya mœ á mœ yindœ 'e, adja 'e yiyindœ o'o nœ azu kɔ á endje sœ kœpa adœke œne sœ dœ Ɔtshɔ Ishiri nene, kashe 'e mesho yé œ wu akwa tshelœ endje yeka á kœyindœ nœ adœke ishirinœ to 6a ndœ Ndjaba. Gbambanœ nene, aayi kœgbara o'o nœ wala za tshapa ɔshɔ djigi.

² Ɔrœ á ma fœ 'e adœke 'e wusœ Ishiri nœ Ndjaba dœke: uzu á tshe sœ kœpa adœke Yisu Kristu fa adja uzu, uzunœ ascœmœ sœ dœ Ishiri nœ Ndjaba lœ ye.

³ Kashe uzu á tshe kœvwaratœ ye tœ kœpandœ nœ atamœ dœ ádá nœ Yisu, dá Ishiri nœ Ndjaba gugu lœ ye nene. Kashe tshe sœ dœ ishiri nœ yingba Kristu á 'e dji lima o'o tœ upunœ adœke endje sœ kœna tœnœ, yé ngɔngɔ asœ œ sœ 6a pa ɔshɔ zœ.

⁴ Kashe 'e dœ agbolo nœ mœ, e'e kœdœ azu nœ Ndjaba yé 'e ropa aayi kœgbara o'o nœ wala. Gbambanœ nene, Ishiri á tshe sœ kœmbœrœ akwa lœ 'e ropa ishiri á sœ lœ azu tshapashœnœ asœke ye.

⁵ Azu kœgbara o'o nœ wala kœdœ azu tshapashœ. Mbœrœ tœnœ ataa, endje sœ kœgbara liaka mara azu tshapashœnœ asœke, yé endjeneke á endje dœdœ azu nœ Ndjaba nene, dá sœ kœdji endje.

⁶ Kashe tœ azœ nœ azœ, a koedœ azu nœ Ndjaba. Uzu á tshe wusœ Ndjaba, tshe dji azœ kashe tsheneke á tshe doédœ uzu nœ Ndjaba nene, tshe dji azœ nene. Tœnœ dá za awa fœ azœ tœ koewusœ Ishiri nœ koeyisœ adja o'o ndje dœ ishiri nœ koeyisœ wala.

Ndjaba koedœ koeyindœsho

⁷ 'E doé aaya mœ á mœ yindœ 'e, a yindœtœ azœ dœ anga azœ, mboerœ koeyindœsho to 6a ndœ Ndjaba. Uzu nœ koeyindœsho koedœ gbolo nœ Ndjaba yé tshe wusœ Ndjaba.

⁸ Uzu á tshe koegugu dœ koeyindœsho nene, tshe wuwusœ Ndjaba nene mboerœ Ndjaba koedœ koeyindœsho.

⁹ Mara á Ndjaba má koeyindœsho nœ ye fœ azœ doeke: tshe vwa Gbolo nœ ye tshebabale ga pa osho mboerœ á a koegbo soro lœ awa nœ ye.

¹⁰ Koeyindœsho sœ atake: œ sœsœ adœke azœ dá yindœ Ndjaba nene, kashe œshe dá yindœ azœ yeka á vwa Gbolo nœ ye, á tshe zatœ ye fœ kuzu mboerœ koegi kuda tshangba ekperœ nœ azœ.

¹¹ 'E doé aaya mœ á mœ yindœ 'e, œdœ Ndjaba koeyindœ azœ atamœ, œ li ndje dœ azœ adœke a yindœtœ azœ dœ anga azœ.

¹² Uzu bale wuwu Ndjaba nene. Kashe œdœ a koeyindœtœ azœ dœ anga azœ, Ndjaba œ sœ dœ azœ awa bale, yé ayo nœ ye œ matœ endje djigi fœ azœ.

¹³ Erœ á sœ koema adœke a sœ awa bale dœ Ndjaba yé tshe sœ ndje awa bale dœ azœ doeke: tshe za Otsho Ishiri nœ ye ga lœ azœ.

¹⁴ Adja Aba vwa lima Gbolo nœ ye adœke tshe she azu tshapashɔ. 'A sœ kœmindœ nœ mbœrœ a wu lima she dœ ala 'a.

¹⁵ Ēdœ uzu kœpandœ nœ adœke Yisu kœdœ Gbolo nœ Ndjaba, Ndjaba œ sœ dœ she awa bale yé tshe sœ ndje dœ Ndjaba awa bale.

¹⁶ Yé azœ, a wusœ nœ yé œ sœ dœ kœyindœrœ adœke Ndjaba yindœ azœ.

Ndjaba kœdœ kœyindœsho, uzu a tshe sœ dœ kœyindœsho sœ awa bale dœ Ndjaba yé Ndjaba sœ ndje awa bale dœ she.

¹⁷ Ēdœ a kœsœ dœ adja kœyindœsho ugurutoe azœ, awa lɔkɔ kœwa ngbanga nœ Ndjaba œ za azœ nene. Mbœrœ mara á Yisu sœ lima dœ tœnœ dá a sœ ndje dœ tœnœ ba pa ɔshɔnœ asœke.

¹⁸ Kœyindœsho gugu dœ awa nene. Mara á Ndjaba yindœ azœ waa gɔrɔ awa. Kœyindœsho nœ Ndjaba gbɔgbɔ damba lœ lɔsu uzu nœ awa nene, gbambanœ nene, uzu nœ awa sœ kœgbe dœ djofele.

¹⁹ Tœ azœ nœ azœ, a sœ kœyindœsho mbœrœ Ndjaba yindœ azœ utshunœ.

²⁰ Ēdœ anga uzu kœpa adœke: «Mœ yindœ Ndjaba» yé á yiangba ayancœ, œshe kœdœ ayi wala. Ēdœ tshe kœyiyindœ ayancœ á tshe sœ kœwu she nene, tshe yi má ndœ Ndjaba á tshe wuwu she nene koto o?

²¹ Awa akwa á Yisu Kristu za fœ azœ dœke: uzu á tshe kœyindœ Ndjaba, œ li adœke tshe yi ndje ndœ ayancœ.

5

A ropa tshapashɔ mbœrœ kœyindœrœ nœ azœ

¹ Uzu kɔ́ á tshe yindœ nœ adœke Yisu kœdœ Kristu, œshe kœdœ gbolo nœ Ndjaba. Yé uzu kɔ́ á tshe yindœ Aba, tshe yi ndje ndœ agbolo nœ ye á tshe zu endje.

² Lœ awa nœ kœyindœ Ndjaba dœ pe kœmboœrœtœ azœ lindœ awa akwa nœ ye dá a wusœ nœ adœke a yindœ agbolo nœ Ndjaba.

³ Kœyindœsho nœ azœ ga ndœ Ndjaba œ matœ ye lœ mara á a lisœ awa akwa nœ ye. Awa akwa nœ ye kpa ka kote azœ waa nene,

⁴ mbœrœ agbolo nœ Ndjaba kɔ́ ropa tshapashɔ́ ye. Yé awa nœ kœropa tshapashɔ́ kœdœ kœyindœrœ nœ azœ.

⁵ Œdœ dá ropa tshapashɔ́ a? Uzu á tshe yindœ nœ adœke Yisu kœdœ Gbolo nœ Ndjaba.

O'o tœ upu nœ Yisu

⁶ Uzu á tshe na lœ awa nœ ungu œdœ pe indji, œshe kœdœ Yisu Kristu. Œ dœdœ lima kotœ ungu nene, kashe ungu œdœ pe indji. Ishiri dá pandœ nœ atamœ; yé a wusœ nœ adœke Ishiri pa kolœ adja o'o.

⁷ Atimunœ voto dá pandœ nœ.

⁸ Œtshɔ́ Ishiri, ungu œdœ pe indji; endje kɔ́ vovotɔ́ yindœ nœ awa bale.

⁹ A yindœ o'o ama azu ye, kashe œnœ Ndjaba dá kpa ropa nœ yé tœnœ kœdœ o'o á tshe pa lima tœ upu nœ Gbolo nœ ye.

¹⁰ Mbœrœ tœnœ ataa, uzu á tshe sœ dœ kœyindœrœ ga ndœ Gbolo nœ Ndjaba, œneke á Ndjaba pa sœ lsu ye zœ. Yé uzu á tshe kœyiyindœ œneke á Ndjaba pa nene, tshe za Ndjaba tœ ayi

wala; gbambanœ nene, tshe yiyindœ œeneke á Ndjaba pa tœ upu nœ Gbolo nœ ye nene.

¹¹ Wu o'onœ dœke: Ndjaba za soro á ka nene fœ azœ yé a gbœ soronœ ascœmœ lœ awa nœ Gbolo nœ ye.

¹² Uzu á tshe ngbœtœ ye bale dœ Gbolo, tshe sœ dœ soronœ ascœmœ. Kashe uzu neke á tshe ngbœngbœtœ ye bale dœ Gbolo nœ Ndjaba nene, tshe gugu dœ soronœ ascœmœ nene.

Soro á ka nene

¹³ E'e á 'e yindœ i'iri Gbolo nœ Ndjaba, mœ sœ kœsu œeneke asœ fœ 'e adœke 'e wusœ nœ adœke 'e sœ dœ soro á ka nene.

¹⁴ Wu ádánœ á a sœsœ dœ awa nene á lœsu azœ sœ ziti utshu ye dœke: œdœ a kœyœndœ œœœ ga ndœ ye liaka gbetshelœ nœ ye, tshe dji azœ.

¹⁵ Bata a wusœ nœ adœke tshe sœ kœdji azœ tœ œœœ á a sœ kœyœndœ nœ ga ndœ ye, a wu ndje sœ nœ adœke a gbœ œœœœœ á a yœndœ nœ ascœmœ ye.

¹⁶ Œdœ anga uzu bale kœwu ayanœ kœœmbœœœ ekperœ neke á sœ kœyiosho ga lœ kuzu nene, œ li adœke tshe za avwala fœ Ndjaba yé tshe za soro fœ ayanœ ascœmœ œdœ ekperœœœ kœsœsœ kœyiosho ga lœ kuzu nene. Kashe anga ekperœ bale sœ kœyi uzu ga lœ kuzu yé mœ papa adœke endje za avwala mbœœœ œœœœœœ ascœmœ nene.

¹⁷ Œœœ kœ á sœsœ ndjii nene, kœdœ ekperœ; kashe œ dœdœ ekperœ kœ dá yiosho ga lœ kuzu nene.

¹⁸ A wusœ nœ adœke uzu kœ á tshe dœ gbolo nœ Ndjaba, lili kœsœ lœ ekperœ wa dœ wa nene mbœœœ Yisu á tshe dœ Gbolo nœ Ndjaba sœ kœgbœndœ ye, yé ekpe uzu œ sœ dœ gbœgbœ ga pa ye nene.

¹⁹ A wusœ nœ adœke azœ kœdœ azu nœ Ndjaba, kashe tshapashɔ djigi sœ tshakane ekpe uzu.

²⁰ A wu ndje sœ nœ adœke Gbolo nœ Ndjaba na, yé œ to kœwusœrœ fœ azœ mbœrœ adœke a wusœ adja Ndjaba. Yé a sœ lœ adja Ndjaba lœ awa nœ Gbolo nœ ye dœ Yisu Kristu. Æshe kœdœ Ndjaba tako, tshe kœdœ soro á ka nene.

²¹ Agbolo nœ mœ, 'e zazatœ 'e ga tœ andjaba nene.

Mono
Mono New Testament

copyright © 2020 Wycliffe Bible Translators, Inc. and ACOTBA-SUBO

Language: Mono

Contributor: Association Congolaise Pour la Traduction de la Bible et
Alphabetisation - Sukisa Boyinga

All rights reserved.

2025-05-14

PDF generated using Haiola and XeLaTeX on 14 May 2025 from source files
dated 14 May 2025

fe1a9e91-0d4a-5969-816d-e467ff6cc983